

AGENDRE EPIFANIA

16 Februari 2025

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua niha Keriso, ba wondrugida migu Epifania andre, ma'owai ami fefu ba döi Zo'aya ya'ita Yesu Keriso.
Ya'ahowu....

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 26**

26. FEFU ITA DA TASUNO ₂

do = d 4/4

MM = 88 - 96

1. Fefu ita da tasuno, Lowalangi So ' aya.
Me si sökhi tödö Ia, khöda fefu ba da ' a.
2. He iraono, he satua, da tasuno Zo' aya,
Me da' ö zomasi Ia, na oi tasuno Ia.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : He Yehowa, farongogö khögu lala ba wa'auri andrö: no fahöna wa'omuso dödö föna-U, ba ba gambölö-U so wa'ohahau dödö si lö mamalö¹. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi, Ama sahakhö tödö ba sebua fa'omasi. Ma'andrö saohagölö me no Öheta ndra'aga moroi ba wa'abölö zogömigömi, no Ö'ohe ba haga, börö Zo'aya ya'aga Yesu Keriso. Ya Eheha-U Ni'amoni'ö zanuturu lala khöma, ena'ö si tedou ba saro ndra'aga ba wamati, ba si lö faröi ndra'aga ba wango'aurifagö fa'omasi irugi gamozua götö danö andre. Yaduhu..

3. MANUNÖ moroi ba Mbuku Zinunö Numero 209

209. YESU GUMBU WA' AURI ₁

do = bes 3/4

MM = 76 - 84

1. Yesu gumbu wa ' auri, sangorifi samati
Mitabu ta ' ondrasi afu auri ita göi.
Ha khö Yesu so da ' ö, lö tesöndra ba mbö' ö.

¹Taroma li bö'önia tola mufaigi ba nga'örö nifaogö si sara, faosatö si-IV

2. Do Keriso So' aya da' ö wangorifida.
Möi fangefa horöda na mamati göi ita.
Lö a' ozu tehuku, na no ta' o' ö Yesu.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 62:1-9**

1. **Khõ duka wanunõ andrõ, khõ Yedutuno andrõ, nilau Dawido.**
2. **Ha khõ Lowalangi manõtõna dõdõgu, no ahonohono, khõnia i'otarai wangorifigu.**
3. **Ha ya'ia we'ewe'e dõdõgu ba fangorifigu, hatigu, tebai manõ mangiwa ndra'o.**
4. **Heza irugi misuwõ niha si ha samõsa, wa edõna midudugõ ia, hulõ mbagolõ si no aolo, hulõ göli kara, si no muhisi?**
5. **Ha da'õ wamagõlõra, he lawisa wanimba tou ya'ia, moroi ba nahania salawa; faya zomasi ira; ba mbewera, ba famahowu, ba ba dõdõra, ba fangelifi.**
6. **Ha khõ Lowalangi manõtõna dõdõgu, no ahonohono, khõnia sa'ae i'otarai fangorifigu.**
7. **Ha ya'ia we'ewe'e dõdõgu ba fangorifigu, hatigu saro; tebai manõ mangiwa ndra'o.**
8. **Khõ Lowalangi usõndra wangorifigu ba turiagu; danedane wa'abe'egu ba fanõtõnagu, ba khõ Lowalangi so.**
9. **Bõi ya mamalõmalõ wanõtõnami khõnia, ya'ami ono niha; mibokai dõdõmi khõnia; tõtõnafõda Lowalangi.**

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö dõi-Nia, sotõi banua-Nia.
Me no Ikaoni göi ami, afu mitemawa'au ri, khõ Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusõ'

Na tawa'ö lö horöda, ba talimo ita, ba siduhu lö'ö ba dõdõda. Na ta'ombakha'ö Horöda, ba lö farõi Ia, ba no satulõ Ia,fa'i'efa'ö khõda horõ andrõ, ihaogõ ita, awõ wa'iheta fefu zilõ atulõ. Andrõ da möi ita fõna Lowalangi si fao fangidengide'ö ba wangombakha horöda, (muzizio ita fefu)

Mangandrõ ita :

Masuno ba ma'angarõfi li Ndra'ugõ Yehowa, Ama khõma si so ba zorugo, ba khõ Yesu Keriso sangorifi. No sebua fa'omasi Ndra'ugõ khõma götõgõtõ wa'ara. Ma'ondrasi Ndra'ugõ ba nahia ni'amoni'ö ba wangelulu ba ba wangandrõ saohagölõ, ba howuhowu si no falukha ndra'aga. Mafaduhu'ö wa tenga si nangea ndra'aga tanõ fõna-Mõ, me no fahõna horõ si no mafalua, he ba wehedema, era'era dõdõma, awõ gamuatama si lö faudu ba daroma Li-Mõ. Andrõ möiga khõ-U ba wangandrõ fa'ahakhõ dõdõ-U, ena'ö Ö'efa'ö khõma horõma andrõ, si no mafalua, irege sohahau tõdõ ndra'aga wanohugõ fekolima si faudu ba zomasi Ndra'ugõ. Yaduhu.

SATO

: Manunõ : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khõ Yesu, ba lö usõndra za hono dõdõgu

U'ombakha'ö ngawalö horögu, mo lala dödö.

- SA** : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....
- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrongo daroma Li Lowalangi, tehalö moroi ba zura **Kolose 1:24-29**
- 24. Iada'e omuso dödögu, ba wamakao andre, salahimi, ba ubönökhü ba nösigu andre zambö na ba wamakao Keriso andrö, salahü mbotonia, banua andrö,**
- 25. ba zi no tobali enoni ndra'odo, dali nihonogöi Lowalangi andrö, nibe'e ba dangagu, ba khömi andrö, ba wamo'ahonoa fangombakha taroma li Lowalangi andrö,**
- 26. si no tobini andrö, si lö oroma, götögötö wa'ara, ba ba nga'ötö ndra tua andrö, ba iada'e, ba no tefa'ele'ö ia, ba ni'amoni'ö andrö khönia.**
- 27. Khöra edöna Lowalangi i'oroma'ö, he wisa wa'ebua lakhömi zi no tobini andrö, ba niha baero, ya'ia Keriso ba khömi, tötönafö lakhömi andrö.**
- 28. Ya'ia ni'ombakha'öma ba madozigö niha, wamarou tödöra, madozigö niha, wamahaö ya'ira ba ngawalö wa'atuatua, fefu, ena'ö dozi niha mo'ahonoa fa'atulö, ba khö Keriso, mabe'e. Ba khö da'ö sa göi mohalöwödo, fasöndrado, balazi wa'abölönia, sangabölö'ö sibai ya'odo.**

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasombata DPS. Ba si föföna ua da tafondrongo Li Lowalangi me imane:
- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi. (Sinunö 50:23)

Tafa'ema wasömbata khö Lowalangi, manunö ita moroi ba Mbuku Zinunö **Numero 259**

259. HE SO' AYA SANGORIFI NIHA 1

do = bes 4/4

MM = 88 - 96

1. He So' aya sangorifi niha sondrorogö fa ' aurima.
Mafa ' ema khö-U wasömbatama föfö mbuala-Mö khöma
No buala si sökhi nibè Zo ' aya ba zamati ba döi Nama.
2. Fahowu' ö fefu halöwöma gasagasa wekolima.
Bè mo' ölö ba molualua, fefu gohitö dödöma.
Ya tobali sumange ba fangebua Döi-Mö Keriso So' aya.
3. Dönisiga ba zorugo Ya'wa, naha nihonogöi Nama.
Me ba da' ö sa mo' ahonoa, zanau' ölö wasöndrata.

Böi tebulö wamati ba fanötöna, irugi ba gamozua.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe □

1. Ya ' e zu-ma-nge fa-sömbata, ma ' o-he sumange Yehowa.

Iramatua

Reff :Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aghasi gölö Zo'aya.

Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group

- a. Koor Jemaat
- b. Kegiatan Kom.Perempuan
- c. Kegiatan Sektor 2
- d.

10. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu
Mangalulu ndra'odo föna-U ba gametahö-Mö ia da 'a
Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.

Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi,
Sabölö moroi ba gera'era niha fefu, ba khö Keriso Yesu. Mangandrö
ita.....Yaduhu.

- a. Fombaso taroma Li Lowalangi *Yeremia / Yeremia 17:12-18 (Tuho :Yehowa Dötönaföda / Tuhan Pengharapan Kita)*
- b. Fanuriaigö

- c. Nitanö ba dödö. *Sinunö / Mazmur 62:2(Ha khö Lowalangi manötöna dödögu, no ahonohono, khö-Nia I'otarai wangorifigu. / Hanya dekat Allah saja aku tenang, dari pada-Nya keselamatanku.)*
- d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ³

1. No mafondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö fomatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 314 ayati 1-2**

314. TÖTÖNAFÖ KHÖDA ₁

do = c 4/4

MM = 96 - 104

1. Tötönafo khöda ha So ' aya. Ya ' ia zanolo so ' ahonoa.
Böi ata ' u Yesu nawöda. Duhu Yehowa zi lö faröi khöda.
He so zafökhö ba akaola. Khö-Nia ta ' andrö watolosa.
2. Tötönafo khöda ha So ' aya, Ya ' ia zanolo so ' ahonoa.
Fefu nudu no oi Ilaŵa, me no mate Ia möi salahida.
So ' ömö ita khö Zo' aya, wanuno Ya ' ia Haleluya.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

6

SH : FAMATENGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba
Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda
fefu. Yaduhu

SATO : Manunö BZ.Numero **314 ayati 3**

314. TÖTÖNAFÖ KHÖDA 1

do = c 4/4

MM = 96 - 104

3. Tötönafo khöda ha So' aya, khö-Nia tasöndra wangorifida
He folohi fangosiwawöi, böi aombö dödöda Yesu nawöda.
I' ohe ita ba khö Nama, omuso dödöda, Haleluya.

SH : YA'AHOWU

SATO : YA'AHOWU